

## РИШТОН ТУМАН КЕНГАШИННИНГ ЎН ИККИНЧИ СЕССИЯСИ

Олтинчи чақириқ халқ депутатлари Риштон тумани Кенгашининг ўн иккинчи сессияси бўлиб ўтди. Уни туман Кенгаши раиси, туман ҳокими Суфхонжон Солиев очди ва олиб борди.

Сессияга халқ депутатлари туман Кенгаши депутатлари, тумандаги сектор раҳбарлари, туман ҳокимининг ўринбосарлари, иқтисодий соҳадаги ташкилот раҳбарлари, масалага даҳлдор корхона ва муассаса раҳбарлари ҳамда ОАВ вакиллари таклиф этилди.

Сессия кун тартибига Ўзбекистон Республикаси Президенти Ш.М.Мирзиёев раҳбарлигига 2020 йил 24 сентябр куни видеоселектор йиғилиши топшириклари ижроси бўйича туманинг барча қўрсаткичларини “яхши” баҳо қўрсаткичларга олиб чиқишига қаратилган таклифлардан, йил якунига қадар ва келгуси йилнинг биринчи ярмида эришиладиган мақсадли қўрсаткичлардан иборат аниқ чора-тадбирлар, муддатлар ва масъул ижрочилар акс эттирилган амалий чора-тадбирлар дастурини ишлаб чиқиш бўйича туман сектор раҳбарларининг ахбороти киритилди.

Дастлаб сессия иштирокчилари туман Кенгаши раиси, туман ҳокими, 1-сектор раҳбари Суфхонжон Солиевнинг ахборотини тингладилар.

Ахборот берувчи мамлакатда тадбиркорлик ташабbusлари ва лойиҳаларини жадал амалга оширишни ташкил этиш, аҳоли билан мулоқот тизимини йўлга қўйиш, аҳоли турмуш даражаси ва бандлигини ошириш, ҳудудларни жадал ва комплекс ижтимоий-иктисодий ривожлантиришни таъминлашда маҳаллий ижроия ҳокимияти органлари раҳбарларининг шахсий жавобгарлигини ошириш бўйича комплекс чора-тадбирларни амалга оширилиш мақсадида Давлатимиз раҳбарининг 2020 йил 1 майдаги “Ҳудудларни ижтимоий-иктисодий ривожлантиришни рейтинг баҳолаш тизимини жорий этиш тўғрисида”ги ПҚ-4702-сон қарори қабул қилингани, унга кўра туманлар ва шаҳарларнинг ижтимоий-иктисодий ривожланишини ҳар иили рейтинг баҳолаш тизими жорий этилганига тўхталиб ўтди. Шу билан бирга жорий йил 24 сентябр куни Ўзбекистон Республикаси Президенти Ш.М.Мирзиёев раҳбарлигига бўлиб ўтган видеоселектор йиғилишида ҳудудларни ижтимоий-иктисодий ривожланиш даражасини баҳолашнинг рейтинг қўрсаткичлари натижасига кўра Риштон тумани “ўрта” баҳолангандиги алоҳида қайд этиб ўтди. Туман ҳокими ўз сўзида Президентнинг юқоридаги маъruzасида қайд этиб ўтилган ишлар ва вазифаларни сектор раҳбарлари билан биргаликда амалга ошириб, 2020 йил якуни билан туманни “ўрта” ҳудуд тоифасидан “яхши” ҳудуд тоифасига чиқариш учун зарур барча чораларни кўрилишини таъкидлади.

Шундан сўнг туман прокурори, 2-сектор раҳбари Шерзоджон Мавлонов, туман ИИБ бошлиғи, 3-сектор раҳбари Зиёҳиддин Ғофуров, туман солиқ инспекцияси бошлиғи, 4-сектор раҳбари Дилшоджон Раҳимов ҳамда Ўзбекистон Республикаси Президентининг Риштон туманидаги қабулхонаси мудири Соҳибжон Дадабоевларнинг кун тартибидаги масала юзасидан ахборотлари тингланди.

Ахборотлар юзасидан музокараларда туман Кенгаши депутатлари Баҳодир Эрматов, Сайджон Аҳмедовлар қатнашдилар.

Шунингдек, сессияда вилоят ҳокимининг ўринбосари, вилоят инвестициялар ва ташқи савдо бошқармаси бошлиғи Мұҳсинхўжа Абдураҳмонов кун тартибидаги масала юзасидан фикр-мулоҳазаларини билдириди.

Сессия ишида вилоят иқтисодий тараққиёт ва камбағалликни қисқартириш бош бошқармаси бошлиғининг биринчи ўринбосари Юсуфжон Ҳусайнов иштирок этди.

Сессияда кўрилган масала юзасидан қарор қабул қилинди.

Шу билан халқ депутатлари туман Кенгашининг 12-сессияси ўз ишини якунлади.